

畫村叢書

第四
函
冊

笑笑詞

序

下士聞道大笑則知笑之其笑則知笑以為道樂然後

其笑則知笑之學發為經博之學發為言語議論著於

博之學發為高妙天下棋餘寓於長短句

高妙天下棋士聞道大笑張子初而己竊窺其措辭

笑則知笑後續其不語色句若奇葩麗

高妙天下棋之學發為蘇柳晏百無聞然而先生自

張子初高妙天下棋以自娛人或從而笑之豈非

下士之笑也歟

後笑之笑也歟

序

傳竊聞之下士聞道大笑之不笑不足以爲道樂然後
笑人不厭其笑則知笑之爲辭蓋一名而二義也遜齋
先生以宏博之學發爲經緯之文形於言語議論著於
發策決科高妙天下模楷後學以其緒餘寓於長短句
豈惟足以接張于湖吳敬齋之源流而已竊窺其措辭
命意若連岡平隴忿斷而後續其下語造句若奇葩麗
草自然而敷榮雖參諸歐蘇柳晏曾無閒然而先生自
謂詩不甚工棋不甚高常以自娛人或從而笑之豈非
類下士之聞道也歟先生亦有時而笑人豈非得樂然
後笑之笑也歟竊嘗盥浴誦瑞慶節之詞如福若高宗

太平賽過仁祖之句則知愛君之意爲甚厚送太夫人
之詞如別駕奉安輿前呵方塞途之句則知尊親之心
爲甚篤如婦姑夫婦孫和子同住八閨五百年花縣飛
鳬鳥芝庭捧鶴書之句則知慶源流長椿桂爭芳卓爲
當世之偉觀如一笑對西風如一聲啼鳩五更鐘之句
則知有言外不盡之意殆不食煙火人所作近世詞人
如康伯可非不足取然其失也詼諧如辛稼軒非不可
喜然其失也粗豪惟先生之詞典雅純正清新俊逸集
前輩之大全而自成一家之機軸傳稽山末學璧水書
生天假厚幸獲遇先生展驥雄藩傳深愧棲鸞下邑首
蒙知遇賜以珠玉斂衽莊誦玩味三復不容自嘿輒推

原笑笑之旨記於篇云時太歲庚午嘉定三禩仲春旣
望會稽詹傳敬書

笑笑詞目錄

萬年歡

菩薩蠻十五

漁家傲二

傳言玉女

鷓鴣天二十

西江月十七

昭君怨二

玉樓春二

鵲橋仙十一

浣溪沙四

好事近三

滿江紅三

念奴嬌

虞美人四

醉落魄

采桑子二

朝中措

卜算子二

減字木蘭花四

柳梢青五

生查子

二

點絳脣

四

江城子

臨江仙

二

霜天曉角

踏莎行

七

南歌子

二

好事近

卜算子

二

更漏子

謁金門

鷓鴣天

秦樓月

卜算子

臨江仙

笑矣

萬平燭

菩藪

笑笑詞

臨江 郭應祥 承禧

萬年歡瑞慶節

佳氣蔥蔥望長安日下鵲鶴翔舞天祐皇家當年挺生
眞主令節標名瑞慶曾未數電樞虹渚人都道福若高
宗太平賽過仁祖 霽雲燕錫廣宇有霓旌絳節西極
金母笑捧蟠桃更酌九霞清醕持向兩宮三殿願歲歲
此觴同舉南山壽海算沙量定應高出前古

菩薩蠻喜雪

當年瑞雪多盈尺今年僅有些兒白天欲兆豐年須教
趁臘前南枝初破萼風味渾如昨快與瀉銀瓶寒醅

醉易醒

又施尉生日

開禧三月初逢九持杯來慶梅仙壽警捕恰三年四封人宴然政成應不日去作朝京客陰德合長生休看

三住銘

三住銘施肩吾作予近得御書墨本尉來借錄云欲依此修行

又立春日

雪銷未久寒猶力霜華特地催晴色殘臘尙餘旬隔年先見春獨憐霜點鬢羞戴銀幡勝百里卻熙然今年強去年

又同僚友泛舟作

泉江三遇昌陽節棹歌還向中流發急更輕橈看誰

奪得標
菩薩蠻

明年歸紫淦尙憶舟同泛應有舊雙鬟能謳

又六月十三日同官攜具以予被薦

轉頭又是清秋近晚風淅淅涼猶嫩多謝客攜觴空慙
畫餅章中亭明月可未要親燈火十閱望舒圓歸期
在眼前

又丁卯壽李嗣宗

去年持酒爲君壽勸君快上懸車奏通籍已金閨腰銀
袍亦緋壺中閒日月自有長生訣父子弟兄賢一門
行地仙

又去歲壽李嗣立

誕辰遲似秋三日草堂已有新涼入鬢綠未全霜欣然
把一觴吟松新納祿共享清閒福兩箇老人星君家
難弟兄

又

牡丹已過醪醑謝那堪風雨連朝夜底事最堪悲春歸
人未歸春宜留取住人卻推將去早晚遂江濱歡然
誇尹新

又丁卯八月九日鵬飛集作

秋堂積雨新涼入今宵雅趁鵬飛集勁翮會高風功名
歛唾中筆頭元有準快寫平生蘊何日捷書來重陽
把一杯

又三月六日靜勝小集

去年今日游稽古爛斑曾著萊衣舞四世共團欒
一笑歡歸期今不遠孥累俱先遣猶有社中人相從
寂寞濱

又餞太夫人之南豐

修途六月清無暑潘輿穩向盱南去喜氣已津津
平反一笑春人言陰德報羅紙重重誥明歲早歸來
去鵲催

又鄒伯源園木犀次彭孚先韻

塗黃仙子嬌無力秋花不敢爭顏色風物一番新
從今到小春新詞仍險韻賡續慙非稱桃李寂無言
此花

名獨傳

又縣齋木犀今年殊未開而盆菊特茂盛以晦日約客
未觀巖桂先觀菊世閒底事真遲速節物苦相催重陽
便到來 白衣何處覓沽酒邀佳客一笑有餘歡官居
終日閒

又送太夫人就養南安

佳辰昨日傳筒黍今朝重把離觴舉別駕奉安輿前呵
方塞途 龐眉真壽相兩處交迎養庾嶺到星沙風光
屬一家

又戊辰重陽

分宜七里逢重九籬根無菊尊無酒蕭颯鬢如蓬不禁

吹帽風 插花開口笑未分輸年少明歲定王臺傳杯不放杯

漁家傲丁卯生日自作

去歲簿書叢裏過生朝也有人來賀隨分侑尊呼幾箇胡廝和愁顏鎮日何曾破素髮如今添老大歸來方是閒當座旋擘黃柑簪白墮哩噲囉從他擾擾如旋磨又用履齋韻贈邵惜惜

自古餘杭多俊俏風流不獨誇蘇小又見尊前人窈窕花枝裊貪看忘卻朱顏老曲巷橫街深更杳追歡買笑須年少悔不從前相識早心灰了逢場落得掀髯笑傳言玉女五月四日孫僉判四昆仲攜具稽古堂觀競

渡有作

稽古堂前恰見四番端午

自甲子至丁卯

又來江上聽鳴鼉急

鼓棹歌纔發漠漠一川煙雨輕舟搖颺浪心掀舞

倦

客今年續命欠□綵纓歸期漸近剗地縈心緒何日斑
衣更看迎門兒女百懷且付尊前蒲黍

鷓鴣天次孚先韻重陽前兩日無盡藏作

依約灘聲雜艣聲波光隱映月華明眼前好景真無盡
身外浮名儘可輕窮勝賞續歡盟直饒風雨也須晴
滿頭插菊掀髯笑笑道齊山浪得名

又癸亥十一月十四日爲內子壽

愛日迎長月向圓當年飛墮蕊珠仙相門赫奕人爭羨

閩則柔嘉世所賢 羅紙貴綵衣鮮鼎來盛事樂無邊
婦姑夫婦孫和子同住人閒五百年

又甲子重陽

誰道他鄉異故鄉 泉江風物似湄湘 釵頭綴糝萸偏紫
杯面浮金菊倍黃 今共古幾重陽 休將往事更平章
舞衫歌扇姑隨分 又得掀髯笑一場

又

風雨瀟瀟舊滿城 今年九日十分晴 且同北海邀佳客
共向東籬看落英 羅綺隊管絃聲 銀山高處好同登
催租豈解妨詩興 自是潘郎句未成

又甲子十一月十四日壽內子

鸞誥雙雙婦與姑家尊榮宦到中都暫時花縣飛鳬鳥
新看芝庭捧鶴書梅欲放柳將舒誕辰先占一陽初
清心堂下圍紅處賸有長生酒滿壺

又遜齋自作生日

垂領紛紛已二毛可堪州縣尙徒勞催科自笑陽城拙
勇退應慙靖節高來祝壽笑兒曹說椿說柏說蟠桃
世閒底事非前定妙理還須問濁醪

又宴王園作

休道泉江寂寞濱喧喧歌吹徧城闌莫辭邀賞連三日
且慶開禧第一春呼小隊領嘉賓王園佳處踏芳塵
星球不用隨歸騎自有山頭月逐人